

ЛҮИМА СЭРИПОС



www.khanty-yasang.ru

Общественно-политическая газета

E-mail: luima@ugracom.ru

Основана 11 февраля 1989 года

5 сентября
2014 года
№17
(1083)

**Сүкыр этпос о́выл хоталэ –
номт хоталыг лававе.
Ятил ныврамыт, нанан ты ялпың
хоталыл янытлыянүв!**



Т. Меровалобсумхури

Ты
номерт
ЛОВИНЬТЭН:

Ныврамыт
хаништахтуңкве
о́вылтахтасыт

3

Пох хотпан
мори ул агтэн

4

Катыл савсыр
пормасыт
варнэ нэ

10

Ам ётум
Кульпас школат
хаништахтам
ныврамыт

12

Лусум
маньцит

14

ЛҲХХАЛЫТ

Округт  лн  ятил м хум!

М н, округ Думат р питан м хум, н нан номт тотн  х талыл янытлыянув!

С кыр  тпос  вил х тал  – ты ань хаништахтан х тпат м гыс сака  мас ялпын х тал. Хаништахтан в рмалы ты х талыл ты  вилтахты, м нлат м хум номтыны  мт гыт, тувыл  лалы м схал щирыл р питанкве пат гыт. Н врамыт хаништахтан т ланыл акв щирыл хунь мины, т ванакт матыр т рвит  лыглы, ос к сы  мт ты сака п мыщ в рмалы. Т н с в хаштал матыр в нкве пат гыт, йильпи в рмалит т ра-патт гыт, матыр- ти в рункве хаништахт гыт.

К сын н врам маныр в г, маныр х сы, хаништахтын т  порат пуссын н х-хулиглы, тав в рн  т лан  мирн к салавет, в нкве патавет.

Ятил н врамаквет, м нлат м хум, хаништахтан т лан н нан акваг вос н ты,  лалы  лу кве н нти хаништахт н, матыр  рн  т ла в рункве н нти вос х с гын. Н н хуньт тах округув янытыл р питанкве пат гын,  лн  м вн с в  мас т ла в регын.

Ты йильпи хаништахтан т л сыс номтыны  мт н. Хаништан х тпат  мас номтыл вос р пит гыт, щ н - щит т нти н враманылн вос н т гыт, мутра ныг вос  л гыт, н врамыт ос  машакв вос хаништахт гыт!

Округ Дума к щай Б.С. ХОХРЯКОВ к тум л ххал  м нщи л тныг С. ХОЗУМОВАН толмашлавес



Н врамыт автобусыл м йлуптав сыт

Сургутский район
Русскинская п вил интернатт  лн  сосса н н врамыт  вил хаништахтан х тал кастыл «ЛУКОЙЛ-Западная Сибирь» р питан м ныл автобусыл м йлуптав сыт. ОАО «ЛУКОЙЛ» р питан м  ос округ правительство хал нт юртыныщ  л г. Ты компания округувт  лн  мирн матыр н тмил т ла в тихал в рап лы.

Ань ос «ЛУКОЙЛ-Западная Сибирь» р питан м  н врамытн тамле н тн , тынын автобус м йлуптас. Тув в т нупыл кит улас в рим  лы. К сын  нлын м  м схал щирыл щ питавес, л гыл туштын м гыс х нхылтапыт  машакв в рим  л гыт, н врамыт н йпос н х-п ламта кве в рм гыт ос м т с в  рн  март тув в рим  л гыт.

Н врамытн ань п влыт халт яласа кве к пнит,  мас номтыл  нлах л гыт, мин гыт.

Светлана ХОЗУМОВА

М н округувт Нефте-Юганск  ст м нлат м хум м гыс йильпи хаништахтан кол  нттувес, политехнический колледжиг л ваве. Тот м нлат м хум округ янытыл с всыр м т р питан м гыс хаништавет – сварщикыт, слесарит, плотникыт, колыт  нттын м хум,  лектромонт рыт, т нут п йтн  м хум ос кондитерыт.

Хаништахтан кол  нттувес

Тот ань 630 х тпа хаништахты. Ты конь-пал тот туи порат школат хаништахтан н врамыт м гыс с всыр хаништапыт в рыглавет. К щайт Сергей Николаев тав  лы. Ань ты хум л вн т  щирыл, колледжанылт хаништахтан м гыс хоталь- ти  рн  матыр т н пуссын  н щ гыт. Ты  рн  р патат коньпал т н и  х рум специальность щирыл хаништап щ пит гыт – ты автомеханик, токарь ос пу к хуратан т ла.

Тув округ к щайов Наталья Комарова ос Тюменский область губернатор п нтсыл р питан хум Владимир Якушев ялсыг. Т нат н ты хаништахтан кол сака м стыс.

Светлана РОМБАНДЕЕВА

П рияп в рмалы

Ты  тпос нилахой-пловит х тал т Тюменский область м гыс губернатор п рияве. Тюмень  с п хат  лн  районьт коньпал яныг к щай п рия кве Ханты-Мансийский автономный округт ос Ямало-Ненецкий автономный округт  лн  м хум  с пат гыт. П рияп в рмалы в рт  лн  сосса н м хум палт ань в р гыт.

Тюменский область губернаторыг  мтн  м гыс нила х тпа воритот гыт, ты **Дорохин Павел К РФ партия п лыл, Пискайкин Владимир «Справедливая Россия» партия п лыл, Селюков Михаил Л ПР партия п лыл ос Якушев Владимир «Единая Россия» партияныл.**

Владимир Якушев ань губернатор в нын х тпаг  лы.

Югратос Ямалт  лн  м хум, н н ос п рия кве в вав н. П рия кве ял н тах, хот ул  рувл н.

Редакцият р питан м хум

ЛЯХХАЛЫТ

Няврамыт ханищтахтуңкве өвылтахтасыт

2014-2015 талыг кастыл округ янытыл 187 сөтыра няврамыт школан ханищтахтуңкве ми-насыт. Тән халанылт 21 сөтыра 600 савит мәнй няврамаквет өвыл классыт ханищтахтуңкве патсыт. Ань касың агирищакве ос пыгрищакве «Подарок первокласснику Югры» намба нэпакыл мүйлуптавес.

Ты нэпак щирыл няврамыт Россия мат өлнэ савсыр мирыт урыл ванкве патэгыт. Тувыл округт яныг-ман вөр уйит, хұлыт, ма-витув өвылтыт по-трыт ловиньтэгыт. Тананыл пуссын пумыщ магыс нётнэ хуритыт касалыяныл. Ты конь-пал няврамаквет ГИБДД палыл ос мүйлупсал щёпитавесыт. Тән яңк хуриң пөсыл майвёсыт. Таве конь өщнэ масну-тын хотталъ вәруңкве эри. Кон турманыңыг өмтнэ порат тамле

пос өмщакв постуңкве паты ос машинат яла-сан лёңхыт посэ элныл нанки.

Ты таквсыиг Хан-ты-Мансийскат ос Сур-гут үст йильпи шко-лаг рүпитаңкве патсыг. Касың школат 825 агит-пыгыт ханищтахтуңкве вёрмёгыт. Совет-ский район Зелено-борск павылт ос йиль-пи школа үнттувес. Тув няврамыт өвыл щёс ханищтахтуңкве щалт-сыт.

Тамара МЕРОВА



Товтыл каснэ лёңх щёпитавес

Мощ мөлаал товтыл каснэ мирхал вәрмалъ щёпиталнэ кұщайт Ханты-Мансийск үст акван-атхатыгласыт. Мән округвныл Алексей Путин – губернатор ваңын хум, тувыл Борут Нунар – рейс-мирхал Кубок кұщай хум, Владимир Мелехов – Россият би-атлон вәрмалъ элалъ тотнэ кұщай ваңын хум ос Спартак Антоненков – «ЮграМегаСпорт» намба организация кұщай тән өлсыт. Югра мат өлнэ биатлонный центр каснэ магыс мұсхал щирыл щёпитым өлы мән ати, ёхта-лам кұщайт уральтасаныл. Та юи-палт тән ляххал тотнэ махум ёт хонтхатыгласыт ос ты урыл потыртасыт.

Ляххал тотнэ хөтпатн Алексей Путин тох лавыс: «Округувт каснэ вәрмалъ емасыг мины, мән каснэ хөтпанув ма янытыл өлыглалум кассылыт вәтихал нөх-патыглэгыт. Ты мат касылын щёпитахтан хөтпанув ати сака хо-сат, мирхал олимпиа-да өлум порат, Россия

магыс магылн тагатаң сав пос тотсыт. Тән ха-ланылт товтыл каснэ порат Алексей Волков сөрни пос вис.

Мән округувт ты кас-нэ вәрмалъ акваг элалъ тотуңкве патылүв. Ань Биатлонный центр ты конь-пал емаснувөг вәрилув тах. Тах-сын лёңхыт йильпи-

иг щёпитыянүв, кина пөслын ма ос ёмашакв вәрианүв тах».

Элыл ёхталам кұщайт Борут Нунар ос Владимир Мелихов каснэ лёңхыт ос махум үнлын мат өм-щакв уральтасанән. Тән лавнэтән щирыл, округт өлнэ биатлонный центр каснэ магыс өмщакв вәрим өлы. Тыт өлнэ мир мүй махум яныг шәгтыл үрияныл. Касың хөтпан тыт үщлахтуңкве сака мұсты. Каснэ махум магыс маньр эри, пуссын щёпитым өлы. Хотьют ты магыс яныг рүпата вәрыс, тән та хөтпатсака янытласанән.

Сұкыр этпос өвыл хөталытт товтыл кас-нэ вәрмалъ вәрнэ хөтпат мирхал Кон-гресс щёпитэгыт тах. Ты Конгрессн махум

нила тәл сыс акв щёс акван-атхатыглэгыт. Маньр тәрвит вәрмалъ оньщёгыт, ты урыл потыртаңкве патэгыт ос акван-нётхатым тәрвитаныл мұсхал щир-ыл щёпитыяныл тах.

Кұщай хөтпат ос акв вәрмалъ урыл по-тыртасыт. Каснэ тәла сунсуңкве сав мир ёх-талы. Тән магысланыл үщлахтын кол сака мощ-ща өлы. Ань тах ос йиль-пи колнакт үнттуңкве патавет. Тувыл каснэ лёңх, суснэ ма ос кина пөслын ма янас щалтнэ мал щёпитаве. Пуссын ты вәрмолит махум шәгт магыс щёпитавет.

Николай
МЕРОВ

Пõх хõтпан мори ул агтән

Ань ты накт тұлмантан хõтпат савсыр ащирыл махум урткуптыяныл. Ты вәрмал урыл полицият рүпитан хõтпат мощ мөлалнув потыртасыт. Махум ты на- кын ул вос патсыт, мир ўргалан хõтпат латың кетсыт.

Ман округувтрүпитан полиция хõтпат лавнәнныл щирыл, ань ты вәрмал тақыш уралытым õныщаве, тии магыс ты ошмар мощ- щаг ёмтыс. Мõt талыт ловиньтаңкве ке, тох ёмты: 2012 талт – 1 сõтыра 94 лапалахтын нак, 2013 талт – 871 лапалахтын нак, 2014 тал сат этпосэ сыс – 658 лапалахтын вәрмал ылыс.

Ты хõтал мус 378 õвыл ёмтнэ нак осн иң ат паттувес. Тамле ошмар вәрнэ хõтпат пувуңкве сака тарвитың. Ты ко- ныпал товат суд щирыл ўнттуңкве ат вәрмавет. Овыл варапан наке ём- щакв тара ат ке паттаве, тав та тартаве.

Тамле ошмар вәрнэ хõтпат тұлмантан вәрмал акван-юрщха- тым щёпитёгыт. Хõтпа лапалаве, пормасанэ хот-вивет. Ёты-õвылт ёмты тох, элумхõлас пормасанэ эрттамтакви

ёл мисанэ. Лапалахтын махум хõтпа номтэ ём- щакв тõргамтыяныл. Аквтупмат хõтпа нупыл юртыг õлэгыт. Тувыл ос акв тамле вәрмал ылы. Тõва лапалам хõтпат полициян ат ювыт, заявление-нэпак хансуңкве ат таңхёгыт. Ты хосыт õвыл вәрнэ хõтпат пувуңкве ат вәрмавет.

Ошмар вәрнэ махум янгыщ яныгпала хõтпат тох урткуптыя- ныл, эрттам тананылн нётнэщирылрүпитёгыт. Тан палтаныл ёхтёгыт, сырсыр хаштәл нэпакт суссылтёгыт, тувыл олн та няртёгыт. Савыңпалэ ос тамле ошмар ылы: те- лефон хосыт звонитёгыт, урк-потыр тотёгыт. Элумхõлас лапалаыныл, олныл та ойттапавет. Ётыл та олнаныл ак- ваг хоттал та минёгыт. Савыңпалэ турманколт ўнлын хõтпат тамле ош- мар вәрёгыт. Тан хот- ты хõтпан звонитёгыт,



Ханты-Мансийск үст õлнэ посың махум рүпитан коланыл

лавёгыт, эрттам юртэ манос рүтэ матыр люль нак варапанэтэ магыс полициян пуввес. Ос таве тувыл тартнэ магыс олн вовёгыт. Тамле нак сав щёс ылыглас, тõва хõтпат олн ойтёгыт. Ты хõтпатн щар ул агтән. Ты потыр õвлэт ёмщакв тара-паттуңкве эри.

Тõва лапалахтын хõтпат сыресыр тәрпи манос матыр пормасыт тыналёгыт. Тананыл юв мори ул тартән, тан тыналан пормасаныл ос ул ёвтән. Нан ул вос лапалавесын, полицият рүпитан хõтпат тамле потыр щёпитасыт. Ма- ныр вәруңкве эри, ты урыл элал ловиньтән.

Хотьют нан палтын звониты ке, ул рохтән. Овлэт ляпат õлнэ рутанын ёт потрамён.

Тувылоста юртын ма- носрүтынпалтзвонитән, хотьют урыл потыр ылыс, таве китыглэлын. Тав телефонэ ат выгтэ ке, юртанән манос аквёт рүпитан махманэ палт звонитән, тав урётылтот китыглахтән.

Маим телефонын ма- нос банковский номерн щар ул звонитән, нанки банковский карта но- мерын пõх хõтпан ос ул лавелын.

Банковский карта палт нанки паролын ул пинэлын, ошмар вәрнэ хõтпан катын-паттаве ке, олнанын пуссын хот- алмаявет.

Олнанын Банк-колт ўнттум банкоматытт манос та ляпат ўнлын колытт вуён, тан пус- сын видеокамера хосыт сунсавет.

Интернет хосыт бан- ковский картал матыр магыс ойтхатнән порат антивирус программан ёмашакв вос рүпиты.

Хаштәл Интернет- сайтыт ос нэматыр ул ёвтән.

Тамле ошмарлан вәрмал ул вос ёмтыс, по- лицият рүпитан махум сав рүпата вәрегыт кос, ос нан нанки ос ўргалахтым õлән. Мори махум нанки колын ул тартән, хаштәл хõтпат потрын тара ул агтән. Ос тамле накн ликмысын ке, тара «02» телефон хосыт звонитән, тот нан вәрмалин щирыл поли- ция махумн нётавён.



УУР УМВД России округув янытыл кётум ляххал маныщи латныг Николай МЕРОВ хансыстэ

Эрнэ нэпаканув молях щёпитавет

Ювле хультум этпост РИЦ «Югра» колт ляххал тотнэ махум кит кўшаиг ёт хонтхатахтыгласыт – тьи ишхипың утыт ёт рўпитан департаментыт кўшай Андрей Бородин ос «Многофункциональный центр» намба колт кўшаиг олнэ хум Александр Сучков. Андрей Бородин Департаментэ руш щирыл «информационных технологий» намаим олы. Ань ты кўшаиг тэнки рўпататэн овылтыт махум магыс ляххал тотсыг.



А. Сучков

Овлёт Александр Сучков по-тыртас: «Ань махум Пенсионный фондныл ос социальный развитие департаментныл акван-атнэ эрнэ нэпакыт мән палтув щёпитаңкве вёрмёгыт. Материнский капиталыг намаим тэлат палт мән нэ хотпатн нётэв. Ворян пора овылтахтынэтэ элыпалт хум хотпат «воряңкве магыс таратан нэпакыл» воруңкве нётыянув.

Тувыл пенсионерыт манос мот хотпат Ханты-Мансийский банкныл винэ «Социальная карта» ань ос МФЦ палыл щёпитаңкве патвёсыт. Налог ойтнэ махум танки тэланыл тара-паттуңкве манос сыресыр эрнэ нэпакыт кинсуңкве ос мән палтув вос ёхталэгыт».

Тувыл мольты талныл Юграт «Универсальная электронная карта» намба проект рўпататэ овылтавет. Тамле УЭК-пластиковый картал касың хотпа воруңкве вёрмаве, туп вос касащанув. Тот медицинский полис, страховой счет ос банк магыс хансым номерыт хўлтавет. Ты карта ошчэн порат нән янас документанын мотмот мат кинсуңкве ат эрэгыт тах. Та щирыл махум пўльницат ос Пенсионный фондтыт тэланыл нэмат хосан ат тагапёгыт.

Округ янытыл 25 многофунк-

циональный центрытыт УЭК - пластиковый картат щёпитавет. Ань ты хотал мус 7 сotyра хотпа карта вэрнэ щирыл ўрхатэгыт. Кит сotyра арыгкем хотпа тамле ут катын майвёсыт. Махум ань МФЦ овылтыт матыр ляххал ванэ магыс <http://mfchmao.ru>. лопсыт вос кихсатэгыт.

Андрей Бородин элалы лавыс: «Касың хотпа ишхипың ут хосыт МФЦ лопс палт такви наме, опарищ наме ос сотовый номере хўлтуңкве вёрми. Ты коньпал СНИЛС манос паспорттын хансым утыт ос хўлтыяңе ке, тонт МФЦ палыл сыресыр справкат манос документтыт кихсатнэ торыг тара хонтает ос эрнэ нэпаканэ молях варавет.

Ань мус 267 сotyра элумхóлас тув хасхатым олы. Туп ювле хуль-



А. Бородин


тум сат этпос сыс 192 сotyра элумхóлас хасхатасыт.

Мань павлың мат мән ос многофункциональный центрыт рўпитан щирыл щёпитыянув. Тананыл ишхипың утыл кётыянув ос вэриянув.

Тувыл махум ишхипың утыл рўпитаңкве ос ханищтыянув. Таи магыс «Электронный гражданин» ханищтап сав мат вэрёв. Округ янытыл ань 60 сotyра хотпат тамле ханищтапын ёхталасыт. Та юи-

палт МФЦ лопсын хасхатнэ хотпа тара мощ савми».

Тувыл ты кўшаиг ос акв ёмтапам вэрмалы урыл потыртасыг. Тән ань Украина маныл ёхтум хотпат ёт сав рўпитаңкве патсыт. Ты махум тэланыл ёмщакв щёпитан магыс миграционный служба ёт рўпитэгыт. Украина маныл оим 3 сotyра 538 хотпат тән палтаныл нётмил кинсуңкве хасхатасыт.



Интернетныл вимхури

Пуссын Россият акваг олмыгтан вэрмалы вовёгыт ос таимагыс эрнэ нэпаканыл кинсуңкве ос макыг щёпитаңкве эрэгыт. Ты коньпал хотты колыт нётмилыл варавет, хот маныр олы, махум пуссын хўлтавет.

Мән номсытётв, ты тарвит хонтлан вэрмалы тән палтаныл моляхыл ёл вос поилттает. Хота мус нас махум саватаңкве ровёгыт. Тән ётаныл рўпитаңкве сав хунь кос, тувыл ос ойгалам махум салиг олы.

Ты махум тыт олнэ колыл хонтает, рўпатал кинсает. Аньмунтув ушты акв ляххал ос тара-патыс, округ янытыл савсыр школанувт 500 арыгкем тувыл ёхтум ныврамыт ханищтахтуңкве патэгыт.

Сав няврамытн ваңкве патвесүв

Вортур этпос օвыл лов хоталанѳт Ханты-Мансий-
Скыт савсыр ўсытныл ѳхталам хѳтпат мўйлысыт.
Танкинаныл тан «Этноэкспедицияг» лавыгласаныл. Ты
мўй хѳтпат ма-витув ханищтым сунсыгласаныл, соссаң
маҳум օлупсаныл урыл пўмщалахтасыт ос матыр-ати
тара-паттысыт. Тамле вѳрмалѳ Москват օлнѳ «Федераль-
ный детский эколого-биологический центр» нампа кол-
ныл щѳпитѳлвес.

Анѳ тот рўпитан ваңын кўщай
нѳ Клавдия Васильевна Сенчило-
ва таи потыртас:

– Мѳн, атпан нупыл кит хѳтпа,
тыг Россия янытыл нилахойплов
савсыр маңыл ѳхтысўв. Тыи вѳт
нупыл хѳт нѳврам ос хѳтхойплов
ханищтан манос учѳный хѳтпат.
Нѳврамыт Башкирия ос Калмы-
кия республиканыл, Воронеж-
ский, Калужский, Кировский,
Московский, Нижегородский,
Новосибирский, Оренбургский,
Псковский ос Свердловский օб-
ластитныл, Москва ос Санкт-
Петербург ўсыгныл тыг тотвѳсыт.
Тувыл хўрум этнограф учѳныит
ос ѳрыгсовыт ханищтан акв хум
мѳн ѳтув рўпитѳгыт.

Ты ѳлы-пѳлт тамле экспеди-
циян мѳн Алтай ос Коми респу-
бликан, Архангельский областин
ос Ямал мѳн ялсўв. Тот нѳврамыт
ма-вит, ўйхулыт, вѳруйит, ѳт
манос тўрыт ханищтым акваг
пўмщалахтасыт. Анѳ Югра мѳн
щѳпитахтынѳв порат, нѳврамыт
мағыс ханищтапув мощ мѳтищир
вѳрыслўв, таве «Природа, куль-
тура, этнос» намтыслўв. Тыт ма-
витѳ тара-паттын коныпал ѳгит-
пыгыт ханты ос маңыщи маҳум
пѳс օлупсаныл вос ханищтыя-

ныл, ос ты урыл потыр хансуңкве
патѳгыт тах.

Мѳн анѳ маңки тох тѳлав
вѳрнѳв мағыс хот-щѳгтым օлѳв.
Ханты ос маңыщи маҳум урыл
мѳн сав ваңкве патсўв. Тан касың
ѳлумхѳласн вос ваңувѳт. Ты маҳум
пѳс ѳис тағыл ма-вит ўргалым ак-
ваг օлсыт. Тувыл манырсырман
вѳрўйит, хўлыт օлѳгыт, манху-
рип ѳйвыт, лўпатат яныгмѳгыт,
ты урыл тан сыресыр потрыт ос
мѳйтыт օныщѳгыт.

Ўст օлнѳ соссаң хѳтпат ѳт օс
вѳйхатсўв, тан пѳс пора օлупсаныл
օвылтыт потыртасыт. Савсыр
тѳлатыл маңки օс пўмщалахтасўв
– тыи нѳврам самын патнѳтѳ пор-
рат хоты хѳтпан лѳхтхаты, манах
щѳнин օныщаве; маңылат ѳгит-
пыгыт нѳг-хумыг օлуңкве ма-
нах тѳл порат акван-минѳгыт.
Сѳль мѳн ѳти, ѳгияныл мѳн пы-
ганыл иң маңиг օлнѳныл по-
рат акван-миннѳныл мағыс тан
щѳанѳ-ѳщаныл танки халанылт
потыртахтѳгыт. Нѳвраманув пѳс
накыт урыл нѳпакытт ловиньта-
сыт, тѳва вѳрмалит ѳмщакв ат
торгамтасаныл, таимѳгыс анѳ
матыр-ѳти ѳлалѳ китыглахтѳгыт.

Маңавн Ханты-Мансий-
скат сака мўстыс, тыт соссаң



Лиза Родионова
Псков ўсныл օлыс

хѳтпат анѳ тыг мус пѳс маҳманыл
օлманыл щирыл օлѳгыт. Тан
нѳмса ѳлумхѳласыт, ма-витаныл
ѳмашакв ўргалыяныл, танки
Тѳрманылн агтѳгыт ос танки Най-
Отыраныл нупыл пуңк пинѳгыт,
тананыл ат ѳрувлыяныл. Мѳн
номсысўв, ты вѳрмалит хосат
тағыл туп нѳпакыт хансым хуль-
тсыт.

Анѳ мѳн ѳтув рўпитан ханты
ос маңыщи хѳтпатын мѳн яныг
пўмашипа лѳтың лѳвѳв. Тыт
«Торум Маа», «Природы и Чело-
века», «Нефти и газа» музеитн
тотыглавесўв. Касың хѳталнѳпак
ловиньтан колын ѳлтанлѳсўв.
Ос тыт рўпитан хѳтпат маңавн
сака ѳмщакв нѳтсыт, савсыр ѳрнѳ
нѳпакыт маңавн майласыт. Тувыл
ѳнас колнакыл щѳпитѳлвесўв,
мѳн тыт сав пўмыщ хѳтпат ѳт
акван-хѳнтхатыгласўв. «Лўимѳ
сѳрипос» ос «Ханты ясанг» га-
зетаг вѳрнѳ колн щалтсасўв, тот
рўпитан маҳум ѳт вѳйхатсўв.

Анѳ экспедиция кўщайт ювле
миннѳныл ѳлы-пѳлт конфе-
ренция вѳрыгласыт. Нѳврамыт
соссаң маҳманув пѳлт маныр
пѳс накыт тара-паттысыт, таия-
ныл потрыг хассаныл ос ловинь-
тасаныл.

Псков ўсныл ѳхталам
ѳгирищиг ты мѳвт օлнѳ ўйрищит
օвылтыт матыр-ѳти тѳлатыл



Александр Клопов Санкт-Петербург
ўсныл ѳхталас, хури пѳсылс



пұмшалахтасыг ос тән уранылт потыр хассыг. Лиза Родионова «Торум Маа» музейт Мә яны-тыл мирыт янытлан ялпың хөтал вәрнэв порат пуңк паттатэн акв үйрищ исыглас ос хоса тот та унлантас. Агирищ ты кос тыглетувле ёңхыгпәлы, үйрищ өвлэт вәңнән исыглас ос тувыл ювле пуңк паттатэн исыс. Мот хөтпат нупыл тай уре атим. Мән ләвсүв, тыи ёмас вәрмал. Мәниг олмув порат, мән пуңк атанув ловтым порат, улпыл ул вос няхсүв, ләвавёв «сыстам номтың пуңкын үйрищ исы тах». Мән тув агтсүв. Ань Лиза ёт ул аквтох ёмтыс.

Оренбург үсныл өлнэ пыгрищиг вораян тэлат урыл потыр щёпитасыг. Тәнатэн тыт Вячеслав Кондин, Прокопий Молданов, Р.Г. Решетникова ос М.К. Волдина нётсыт. Новосибирский областьныл ёхталам агирищиг хул алышлан пормасыт тарапаттысанэн. Башкирия мәныл өлум хұрум агит, тувыл Калужский областьныл ёхталам аги мән палтув яныгман йивыт урыл потыртасыт.

Аканит манос сыресыр ёнгын утанув урыл башкир агирищ ос тувыл Киров мәныл ёхталам агирищиг-пыгрыщиг латың вәрсыт. Калмыкия мәныл ёхталам пыг лүптал ман пилыл пусмалтан вәрмал өвылтыт пұмшалахтас. Агирищ нянь вәрнэ тәнutyт ханищтам. Московский областьныл өлнэ хөтпат кәтпосанув тарапаттысыт.

Калуга үсныл ёхталам агииг ныврам самын патнэ юи-пәлт вәрыглам тәла пұмшаластән. Екатеринбург мәныл өлнэ хөтпат воруянув урыл ос сосаң мәхум пёс йис потрыт ос мөйтыт өвылтыт потыртасыт. Санкт-Петербург үсныл ёхталам пыгыг рүпитан хөталаныл хурин пёслысаныл ос ань хурит сусытасыт.

Пуссын хансум потрыт мәнавн ос пұмыш хұнтлуңкве олыс. Та сус агит-пыгыт ат торгамтам тәланыл вәнэ хөтпатын ёмашакв хұлтыглавёсыт. Мәньши пәлыл С.С. Динисламован хұлтыглавёсыт, ханты пәлыл ос М.К. Волдинан.

Ань ныврамыт өвылтам тәланыл мұсхалыг элаль ханищтыяныл тах, тувыл тәлы Москват



Александра Глебова ос Яков Жушев
кәтпос урыл потыртәг



ос акван-атыглавет, тот тах ты
потраныл мот мәньлат мәхум
элы-пәлт ловиньтыяныл.

Пустәгыл вос өлэгыт,

номтыңыщ элаль вос
ханищтахтэгыт.

Тамара МЕРОВА

Мәщтыр мәхум акван-

Вөртур этпос ват нупыл нилыт щислат ват нупыл хотыт щисла мус Октябрьский район Шеркалы павылт «Союз мастеров» нампасъезд олыс. Тув округ янытыл мәщтыр нам оцнэ сossaн мәхум акван-атыглавэсыт.

Тамле тэла округт ань нилыттыг вэрыглавэс. Щар овыл съезд 1995 тэлт лүпта этпост олыс. Тав «Югра лылыеп» ассоциация тармыл «Сорни ёш» намаим акван-атхатам хотпатн щёпиталвэс. Маныщи латңыл лавуңке ке, тыи «Сорни кат». Ты хотпат хантыт ос маныщит пёс щирыл юнтнэ маснута-ныл, катыл вэрнэ пормасаныл аквта холът хультуптаңке, мот мәхум ханищтаңке лавхатсыт. Тувыл Хальёсн ёхталасыт ос сossaн мәхум йис тагыл мәщтырлан на-каныл, тамле вэрмалит ўргалан ос тананыл элалъ тотнэ хотпат ёт вэйхатуңке, тан ёта-ныл хумус рўпитаңке, манах щёс акван-атхатахтыглаңке, пус-сын ты урыл потыр-

тахтасыт. Мәхум нила тал сыс акв щёс акван-хонтхатахтуңкветыхсыт.

Та юи-пэлт мәхум сав тал акван-хонтхатуңке ат вэрмысыт. Сossaн мәхум пёс йис на-каныл ўргалан магыс Художественный фондн вуйлувэсыт. Лащалт ты вэрмалит мотмот ман лакква-харттувэсыт, ос ётыл алаты ёрулавэсыт. Таи ёмас, 1994 тэлт Россия янытыл олнэ мәхум пёс йис на-каныл элалъ тотнэ щирыл хултнэ латың хансым олыс. Ты кастыл тувыл саккон щёпитавэс ос пирмайтавэс.

Аквта торыг Ханты-Мансийск ўст «Центр народных художественных промыслов и ремесел» рўпитан кол палыг-пусвэс. Хантыт ос маныщит пёс йис на-каныл ўргалаңке



Ягримныл ёхталам маныщи нёт

ос элалъ тотуңке тув паттувэсыт. Тувыл «Сорни ёш» нампа мәщтыр союз ос ты центр 2002 тэлт Ханты-Мансийскат китыт съезд вэрыгласыт. Ос хўрмит съезданыл 2006 тэлт Белоярский ўст олыс.

Мәщтырлан хотпат ёт акваг Светлана Кирилловна Гындышева рўпитас ос тан тэланыл магыс пуңктотыс. Сossaн мәхум савсыр ханищтапын вовыглавэсыт. Манылат агит-пыгыт тот мас-

нут юнтуңке, ййвылт сыресыр пормасыт ёргуңке, сакхартуңке, сас ёт рўпитаңке ханищтавэсыт. Та порат сака ёмашакв мәщтырлан яныгпала хотпат тара-паттувэсыт ос тан «Народный мастер РФ» намыл майвэсыт. Та пэсыл мот нэ ман хум хотпат пёс на-канув элалъ пумщалаңке пат-саныл ос лэщмарт матыр вэруңке ханыщув-ласыт. Товат ос мәщтыр хотпаг пэриявэсыт.

Ань тыг нилыт съездын сав маныл олнэ 60 мәщтыр хотпатныл 55 хотпа туп Шеркалы павылн ат ёхталасыт. Нижневартовский районныл щар нэмхотьют ёхтуңке ат вэрмыс. Съезд 1996 тэлт послум кина суссылтым овылтавэс. Тот та пора пэсныл савсыр ханищтапыт вэрнэ тэлат акван-атым олсыт. Товат танкинаныл манылатыг олнэныл пораныл ма-нос мотаныт щаняныл, анёкваныл касаласаныл.

Тувыл мўй мәхум ёт Октябрьский район кўчай ваңын нэ Татьяна Галеева ос Александр



Белоярский районныл ёхталам мўй мәхум

атыглавёсыт



Ковешников, м̄-вит ўргалан ос соссан махум тэланыл ёт рўпитан Департаментныл кўшай хум пащалахтасыг ос эрнэ тэлат мўсхалыг элалъ тотнэ ширыл лавсыг. Людмила Алфёрова, губернатор ваңын хотпа палт советникыг олнэ нэ ос сав емас латың ос емащакв рўпитанкве лавыс.

Светлана Гындышева, мащтыр хотпат кўшай нэ, такви рўпататэ овылтыт латың то-тыс. Ос элалъ рўпитан магыс савсыр комиссиян хотпат пёриявёсыт. Та-юи-палт Татьяна Молданова, исторический наука кандидататыг олнэ нэ, соссан махум пёс маснутыт юнтым овылтыт сака эрнэ потыр в̄арыс. Тав савсыр хурит суссылтаме порат мўй махумн потыртас, мащтырыг в̄арнэ манхурип пормасыт «традиционный» ширыл ловиньтавет, ос тананыл в̄арнэ хотпат, соль, мирн ванэ мащтырыг намтуңкве ровёгыт. Ос манхурип пормасыт аквта ширыл в̄арыглавет кос, ос тан туп «сувенирный продукцияг» олэгыт. Наталья Фёдорова, мирн ванэ искусствовед-нэ ос

латың кётсас. Потре С. К. Гындышеван ловиньтавет. Тав туп маңышит ос хантыт ханьшувлым пёс наканэ овылтыт хансыс. Касың мир такви щирётыл ханьшувлым матыр-āti в̄ари, тананыл тэлыгтаңкве ат кос эрэгыт.

Тувыл мащтыр хотпат танки юнтум маснута-ныл, катыл в̄арим пормасаныл выставкан щёпиталсаныл. Татьяна Александровна ётылнув касың пормас катн вуйластэ ос тан овылтаныт янас потыртас, матыр-āti эрнэ в̄армалит хўлтыс. Тонттōвахотпат ушты торгамтасыт, соссан махум палт манхурип пормасыт макыг олсыт, маснут хансанэ м̄аниг юнтыглавёсыт, тор ломтанэ сакпакыг акван-солтыглавёсыт. Пёс супыт акв-кит хансаң торныл юнтыглавёсыт. Пормасыт ос нётнэг в̄арыглавёсыт. Ань тай касың хотпа хумус тах-май, та ширыл маснут юнты, пормас в̄ари. Тōва пормасыт мот лўи махум ошнэ хурипаг в̄аравет. Тан ханты ос маңыши махманув нупыл ловиньтаңкве ат эрегыт.

Ань таи магыс маңылатыг олнэ мащтыр хотпат выставканыл



Тёк-павылныл ёхталам ёкват



Шеркалы-павылт-ман тохты-ўрвесў

щёпитан юи-палт Татьяна ос Тимофей Молдановыг, Светлана Гындышева, Людмила Алфёрова пормасыт, маснутыт ёмщаквёг суссаныл ос тананыл мощ лакква-уртсаныл. Пёс ширыл щёпитан пормасыт янас пинсаныл, йильпи ширыл в̄арум пормасыт мот м̄ан атвёсыт. Тан руш ширыл «сувенирный продукцияг» лававет.

Сапрани элалъ в̄арнэ порат мащтыр хотпат танки в̄армаляныл урыл потыртасыт. Хўрум хотпа «Народный мастер ХМАО-Югры» на-па нам кисхатнэ латың в̄арсыт, тьи Ирина Семёновна Молданова,

Тамара Семёновна Мезенцева (Сайнахова) ос Надежда Алексеевна Гришкина. Тувыл сыре-сыр комиссиян хотпат пёриясыт. Грантыт вунтан порат тан ос тув рўпитанкве в̄овыглавет. Мащтыр махум палт ань йильпи кўшай хотпа пёриявес. Сав хотпат Надежда Молданова магыс латың тотсыт. Ань тав мащтыр махум тэланыл элалъ тотыанэ тах. Светлана Гындышева аквтох тавён нётуңкве паты. Мот савсыр олыглам в̄армалит ос мўй махум лавум латңаныл ам мот потрыт хансыяnum тах.

Тамара МЕРОВА

Катыл савсыр пормасыт вярнэ нэ

Нина Георгиевна Рукова, Советский район Югорск үст ылы. Ты нэ Няхщамволь павылт яныгмас. Тав аще тувыл ты ылыс. Щане Парасковья Гавриловна, ойкатэ щирыл Ануфриева, маньщи нэ, Хальүст олыс, школат рупитас. Тувыл 1946 талт салың суныл Няхщамвольн тотвес, тот школат няврамытн маньщи латың урок ханищтас. Щаняге-ащаге тот акван-минасыг, тувыл Нина самын патыс.

Та пасныл сав тал ми- нас. Нина Георгиевна мань няврам колт на- лыман нупыл акв тал рупитас. Пенсиян пат- ме юи-палт тав сассаң мир пормасыт катыл воруңке ывылтахтас. Ам аквматнакт тав пал- тэ ёхталасум, тав аномн мащтырлан пормаса- нэ суссылтас ос акв пумащ мойт потыртас. Нан тав потре элалъ ловиньтэлың:

– Ам өвлэт сассаң мир ылупсаурылстихотворе- ният хансуңке патсум. Элумхюлас, ма-вит ос мотмирытурылсавсти- хотворение хассум. Кит мань нэпак таратасум. Ётылнув ос пормасыт катыл воруңке но- мылматсум. Ты вору́м пормасанум хосыт ам сассаң махум йис ылупса мирн суссылтэгум. Пёс махум хумус ылыс, ма- нырсыр номт тотсыт, ты пормасыт хосыт тара-паттуңке рөви.

Атям саран хум ылыс, тав лесникыг рупитас, маньщи мир урыл сав потырталыс. Акваг тан халанылт ылыс.

Акв мойт ань потыр- тылум: «Ёрнколт Ищ- тапан ойка ылыс. Пёс порат, ялпың хоталыт ылыглам порат, маньщи ос руц махум халанылт пормасыл тыналахта- сыт. Маньщи хотпат тэнут-пормасаныл руц павылы тотыгласаныл. Тот матыр мот пормас магыс пентыгласаныл. Аквматнакт Ищтапан салың суныл ми- нас. Люнханыщапыт суяныл элылсуйтсыт, вөрвотын хосгувес. Тав эргантым лащал-лащал ми- нас. Аквматэрт ворт тав люньщ суй хунтамлас. Ойка салың сунэ ёл- пойтыгпаптастэ. Ном- сы, эрың салың сун пат- татэ щихырты. Мощ хунтлыс, нэматыр ат суйты, ос элалъ минмыг- тас. Хунтлы, ос эрттам



няврам люньщи. Тав лёнх коньпалн ёмыс, сунсы, вөр щакылт апа унылы, та апат няврам хуи. Тыгле-тувле сунсыглах- тас, ляпат нэмхотьют атим. Номсы, аман хо- тьют апа тыт хулытуп- тас, няврам поляве. Вос- сыг маныр воруңке, няврам вистэ, ёмщакв лап-манигтастэ ос элалъ такви павлэн та мин- мыгтас.

Лёнхыт миныматэ номсахты: Ос хумус ам таве янмалтаңке паты- лум. Ам эква ат оныщегум, амккем ылэгум. Мирн

маныр лавегум, хотыл ам няврам вислум. Ам нупылум номсахтуңке патэгыт, эрың ам тулмантаслум. Ты магыс тах хотум варавам.

Ты номтэт тав ювле ёнхыс, руц павылы минмыгтас. Тув ёхтыс, ущлахтын колт хурум хотал ылыс, урхатас. Номсы, хотьют няврам кисмайтэ, тав палтэ ёхты. Тох нэмхотьют аты ёхтыс. Тот ылыматэ няврам щар ат люньщис. Ты кос урхатас, тувыл маныр воруңке вос- сыг, ювле такви павлэн



СОССАҢ МИР ӨЛҮПСА

та ми́нас. Юв ёхтыс, нйврам палыг-уыстэ, насати а́гириш. Я-тавос, Иштапан о́йка та а́ги такви нох-янмалтастэ. А́гикве вора́нжкве хаништахтас. Ворт ёсал ёмыгтас, сака ёмашакв пәтлуптас, лэңын самён хояс. Юн колсори рупата вәрыс.

Ос аквматнакт тэлы порат Иштапан о́йка ёрнколныл кон-квәлыс. Сөви лагыл ёмнэ лёңх касалас. А́гитэн лавыс:

– Мён ёрнколмён пөхыт хотты хаштәл хотпа ёмыгты, наң үргалахтымолэн, наңтён эл ул минэн. Хотталы тұлмантаңкве вёрмавен.

А́гитэ ты урыл нас мо-валас ос лавыс:

– Хотьютын ам тұлмантавем.

Ос аквматнакт а́ще а́лпыл квәлыс, а́гитэ а́тим. Насати тав вөр исхорытн тотвес. Тән тох лавсыт:

– Тав вөр а́ги, а́щён ворт хонтвес. Ты а́ги янгыг ёмтнэтэ мус мән хоса үрхатсүв. Ань таве а́пгув палт хайталылүв.

А́гириш самаге палыг-пугсаге, хотьютын тыто-таве. Нётнэ хара мән ёхтысыт, мувылтахи яныг йив капайт люлөгыт. А́ги хунь торгамтастэ, ма-ныр накн патыс, хотрохтыс. Я-та, сунсы, акв вәңкариң йив тав ляль-тэ ёми. Тав юи-пәлэт пёс йивыт ёмёгыт. Ляпан ёхтысыт, а́ги нупыл лавёгыт:

– Наң вөр а́ги, мән наңын хосат тагыл үрилүв. Наң ань мән палтув, ворт олуңкве патёгын.

А́ги ушпылнэг хотрохтыс ос вөр исхорыт нупыл лави:

– Та яныт ёмас вәрён, а́нум юи-өвыл щёс а́шум ёт вәшинтахтуңкве тәртәлын.

Вор исхорыт хоса мән вәти номсахтасыт, та тәртсаныл. Пуссын ак-

вёёт а́ще палт та ми-насыт. Ёрнколн ёхты-сыт, а́гириш колкывырн шалтыс, а́ще кәсалас, тав палтэ хайталтас, ма́гылн сынумтах-тас ос люньшуңкве та өвылтахтас. Та люньши, та люньши, ты торыг акваг ма́ниг ёмты. Юи-өвылт үйришиг ёмтыс, ёрнколныл кон та ты-ламлас. Вөр исхорыт ос ёрнкол пөхыт та үрхатёгыт, хунь а́гириш кон-квәлы. Ань тыг мус ёрнкол элы-палт та люлөгыт».

Нина Георгиевна кәтыл вәрум пормасанэ ма́хумн пұмаш ма́гыс сака ёвтавет. Тав сәвсыр семинарытн ялантәлы, пёс йис пормасыт вәруңкве хаништах-ты. Тав лавнётэ щирыл, то́ва хотпат сәв пормас выгыт, юрт хотпанылн мүйлуптыяныл.

Ты мөйт Маргари-та Анисимкова нәпакн хансыстэ. Нина Георгиевна аквматнакт ловиньтастэ, сака симын хояс. Таима́гыс ты хосыт кәтыл хүрит пөслыс. Ты кәркам, хотпа нупыл симын нэ мөйтыт ко-ныпал сәв эргыт вәг. Ам ётум потыртаме порат тав ты хал эргыт эргыс ос стихотвореният ловиньтас.

Ам Нина Георгиевна шунь паща латың кётэгум. Тав сака пұмаш вәрмалэ элалэ тоты. Нётнэ пормас ос сәвнүв вос вәри. Ты мұтраң нэ сәв тәл пұстагыл вос олы, Төрүмн вос нётаве, Най-Отыранэн вос үргалаве!

Юи-өвыл хурит Нина Георгиевна а́пге Лена Соколова пөслым олы. Лұпта этпост тав Тұрват павылн мүйлуңкве ялыс. Йив хәпыл Тагт я хосыт миннётэ порат ам таве пөслыслум.



Ам ётум Кульпас школат ханищтахтам нйврамыт

Атпан нупыл сат талыг ёмтыс ам школа асламум юи-палт. Ам ётум Кульпас павылт ханищтахтам нйврамыт ань пуссын матсыт, пенсионерыг ёмтсыт. Тованув та пасыл атимыг ёмсыт.

Лов арыгтем маньши павлыгыл атым нйврамыт аквьёт интернатыг олсүв: ты Ясунт павыл, Сүкырья павыл, Саранпавыл, Хаңла павыл, Хослох павыл, Хорыңпавыл, Лопмус павыл, Потрасуй павыл, Кимкясуй павыл, Няхлаң павыл, Сортыңья павыл. Ты павлыгылт това школат 1953-1954 талыгт лаппантвёсыт, туп Лопмус павылт ос Кимкясуй павылт нила класс мус нйврамыт ханищтавёсыт. Атыг класс-ныл нёлолов класс мус Кульпас павыл школа-интернатыг та ханищтахтасүв. Хоты хөтпа ёрың таквинатэ хурит кәсалытэ – хот щагты.

Нумыннув хурит ман нёлоловит класс тагыл нйврамыт 1966-1967 талыгт ханищтахтасүв. Това нйврамыт сатыт класс юи-палт Саранпавылн минасыт ханищтахтуңке, таи магыс та тал ман тит классыг акванюрщувёсүв.



Ман классувт 25 нйврам ханищтахтас. Нумын лёлёгыт вөртыпалныл ёмаспал нупыл: Кимлобазова Клавдия Васильевна (Кимкясуй павыл), Филиппова Любовь Николаевна (Кульпас павыл), Вынгилева Клавдия Петровна (Няхлаң павыл), Ендырева (Слинкина) Татьяна Дмитриевна (Хослох павыл), Афанасьев Валерий Афанасьевич (Кульпас павыл), Нагибин Александр Петрович (Кульпас павыл), Вадичупов Пётр Семёнович (Кимкясуй павыл), Сайнахов Владимир Васильевич (Ясунт павыл), Качанов Ефим Абрамович (Кульпас павыл), Не-

умоев Сергей Григорьевич (Кульпас павыл, щаквыт порсыс). Тән элыпаланылт үнлэгыт: Таратова Светлана Николаевна (Потрасуй павыл), Липина Зинаида Николаевна (Кульпас павыл), Кушнин Александр Фёдорович (Кульпас павыл), Спивакова Нэля Павловна (классный руководителюв, тав овыл тал география учителюв рүпитас), Гындыбин Сергей Николаевич (Кимкясуй павыл), Хатанзеев Василий Терентьевич (Саранпавыл), Хатанзеев Иван Селивёрстович (Кульпас павыл). Ёлын үнлын нила нйврам: Бешкильцева Лидия Васильевна (Кульпас павыл), Ванюта Иван Георгиевич (Саранпавыл), Вадичупов Владимир Дорофеевич (Хорыңпавыл), Хилиманюк Николай Андреевич (Кульпас павыл). Ты коньпал нила нйврам ат послахтасыт. Ты Гындыбина Валентина Егоровна (Кимкясуй павыл), Анямова Елизавета Владимировна (Хорыңпавыл), Попов Александр Александрович (Сортыңья павыл), Хатанзеев Анатолий Алексеевич (Кульпас павыл). Ам ань ты матмыг ёмтум махмытн яныг паща латыңтётэгум. Пус кат, пус лагыл вос олэгыт, Най-Отыранылн вос үргалавет. Атимыг ёмтум махманув ёмас номтыл номиянүв.





Мо́тыт хурит тай сáтыт класс нýврамыт 1965 тáлт сентябрьт Лýлиң-Вóрт пóслахтасýв. Кáсың таквс сáтыт класс нýврамыт матах хóталын Лýлиң-Вóрн вáнттáлвесýв. Тот áхвтас саквың тéрас óлы, мán «Горой семиклассников» нам-тым óныщислýв. Та тéрас пóңкыт мán ты хáхталахтэв пóслахтым. Вóртыпáлныл ёмаспал нупыл: Т.Д. Ендырева, М.А. Филиппова, И. Гындыбин, Л.И. Хозумов, Н. Мелентьева, З.В. Хозумова, В.Е. Гындыбина. Ёлыннув хýрум пыгрищ: А. Оманов, В.В. Сайнахов, И. Таратов.

Хýрмит хурит мán учителюв Пётр Парамонович Кимлобазов (мáньщи хум) Ленинградыт ханищтахтаме порат пóслахтам. Кульпас пáвыл школаттав сáвтáл география ос физкультура учителя рúпитас.

Татьяна Дмитриевна СЛИНКИНА
(áги óпарищ наме Ендырева),
Обско-угорский институт,
Ханты-Мансийск үс

Интат мáщтырыг вáрнэ хум

Ты хурит пóслым хум кáтагёт матыр вáруңкв сака мáщтыр. Тав наме Владислав Борисович Белявский. Ам таве Сургут үст мáщтыр мáхум акван-атыглахтанэныл порат вáщинтаслум. Ань тав Белоярский районт óлы.

Владислав та éлы-пáлт Хáльýс район Саранпáвылт óлыс. Школат ханищтахтын мáныл áстуме юи-пáлт Иркутск үст пушно-меховой техникум «Охотовед-зверовод» мáт ханищтахтас. Та юи-пáлт Саранпáвылт сáвтáл нýврамыт ханищтахтын колт вóраян щирыл хум нýврамыт ханищтым рúпитас. Нýврамыт ёт вóраяңкв ос хýлпýяңкв вáтихал ялантас. Та коныпал тав ханищтан пыгрищанэ кáтыл матыр вáруңкв ханищтасанэ. Сáвсыңпáл ханищтан мáхманэ тав сáвсыр уйхул интат вáруңкв ханищтасанэ. Интат вáруңкв тав Иркутск үст ханищтахтаме порат ханыщувлас.

Владислав щёмьяң та-гыл ань Верхнекалымский пáвылн вáнтлыс. Тот тав «Верхнекалымский ЛПУ» мáт нáй харыгтан хумыг рúпиты.

Тав лáви: «Тот рúпитанкв ёмас. Рúпитан мáтэт акв эт үрнэ



юи-пáлт титах-хýрмах хóтал юн ущлахтым óлэгум. Юн óлнэ вáрмаляну́м ёмщакв вáруңкв áлымёгум. Таи тыи́ёмас, вóрын ялапалуңкв аквписыг вёрмёгум».

Владислав ты коныпал пёс порат óныщиглам мóт сáвсыр пормасыт мáщтырлы. Выставкат óлыгланэныл порат тав аквписыг матыр суссылтанкв вóвыглаве. Мóт мáныл ёхталан мáхумн матыр хорамың ут ос хотты интат вáруңкв вóвиньталаве.

Владислав Борисович тының совныл матыр лüльсаң вáруңкв манос хот-сайлан совныл матыр вáруңкв ат пилы.

Тав лáтҗанэ: «Вáнэ щирыл сов ёт рúпитан порат, нэматыр лüль ат ёмты. Тóва мáхумн хот-лэгпын совыл инта вáруңкв вóвыглавем. Сованыл сунсым, манаре хумус ёмаснувёг хот-лэгпын мáтэ ат нáңкнэ щирыл вáруңкв рóви. Рúпатам áстынэм юи-пáлт амтиротум номсёгум, хумус тох нýр мáтэ ат нáңкнэ щирыл áртмыс?!»

Мáк соссáң мáхум óлупсав щирыл рúпитан ос мáщтырлан мáхум мán округув янытыл сака мощца. Таимáгсыл ты хум ам ёмас янытлан лáтңыл тётýлум. Нáй-Óтыранэн вос ўргалаве. Тав колтаглэ шуниңыщ, сóтыңыщ вос óлы.

Александр ВЬЮТКИН



Интернетчыл вим хури

Лусум маньщит

Свердловский областт Сапса ёр мат сака мощца маньщи хультыс, яныгсатныл мощ савнув, макыг ке лавуңкв 112 элумхолас. Мак маньщи хотпа тыгыл кит-хұрумпис мощца. Мак маньщит туп вөр павлытт хультыс. Вөр павлытт олнэ хотпат иң маньщи щирыл олэгыт, янге-манётыл пуссын маньщи латңыл потыртэгыт, ұрхатэгыт, вораёгыт, хул пувёгыт, пил ватэгыт, пәквсам вәрегыт. Маныр вөрныл сэлэгыт, таянылтыл та олэгыт. Тыналан магыс сөрп котныл пұрка юнтэгыт. Салыт хосат холасыт, туп вөр-салыт алыглэгыт.



Надя, Тима ос Настя

Маньщи ұламыл олнэхотпаань тай мори ат кәсалэгын, пуссын лапкаң маснұтыл масхатэгыт. Акваг маньщи супыл, маньщи нйра-ваил нила эква туп олэгыт: Александра Васильевна Анямова, тав Кёрасколыңъя павылт олы, Мария Васильевна Тасманова, тав Мирон-Вашқа павылт олы ос кит маньщи супың экваг Ләпла павылт олэг – Екатерина Васильевна Тасманова ос тав мане Татьяна Владимировна Анямова. Альбина Александровна Анямова Висумтыт павылт олнэ эква мёрсыңыг маньщи супыл масхатыглаңкв патыс, мөлты

маниг олме порат акваг маньщи супыл, сахил, нйрал олыс.


Вөр павылт тәрвитаң олұңкв. Ыльйив-вит тотуңкв эри. Пос атим, махум иң лампал олэгыт. Пекарня атим, махум пуссын танки нянь вәрегыт. Лапка атим, матыр-ати ёвтуңкв - тәнүт ман мот матыр пормас магыс руц павылн ялантаңкв эри. Сапса ұсын сака мат хоса ати кос, 150 вёрыста туп лёңхе люль. Висумтытныл Вижай мус хұрум я - Висма, Томпусум, Ялпың-я ұлтта минуңкв эри. Таквсы-тұя яныг вит порат ят ұлтта ат патаве. Хуньт сутытым утыт

вәрыглам унсахыт хосат хот-сайсыт, яныгнув ят мұстаныл нас хот-шаритавёсыт. Кос манкём тәрвитаң кос яласаңкв – руц махмыт, савсыр туристат, яласан мананылныл тай ат та пойтсәлэгыт. Нёрн миннэ лёңх Висумтыт тәра олы. Тан щёлың махум, ұшлахтым яласэгыт, ёр машинал тахатәлэгыт, тыкати Сапса пәсныл яныг машина метәлэгыт, тох та тыгле-тувле яласэгыт, ят ұлтта сұлттэгыт, нәмхотталы ат тагапёгыт. Товат хұлашыцлым яласэгыт, яхосытыл нәтылтэгыт. Туп тәлы аширм порат мощ кұм ёмталы, сака ат нәглэгыт.

Тәлы яласан лёңх түйтэ хот ат-няртыглаве, ат-щёпитәлаве. Махум матыртәлал Вижай павыл мус, тыкати Хосволь павыл мус бураныл яласэгыт. Хосволь павылн акв сәт сыс кит щёс Сапсаныла автобус яланты. Вижай павыл мощ мөлтынув улян ёсвес, колыт шар пұссын витыг тотвёсыт, тот нәмхотыют ат олы, туп хұл рұтмалтан утыт йильпи павыл я ватан вәрыс. Тәлә-тувётыл тот олэгыт, рүпитэгыт. Оса кврума-ойка яласан лөх вәтат олы, савсыр туристат машинат ұри. Төва ямсыкыт тыг мус танки машинанылтыл ёхтэгыт, элалы лаглыл минутыт - лаглыл минэгыт, Нёрытн ялантэгыт,



Хурит Елизавета Бахтиярова мань агитэ ёт пәслым олэг



Тима, Надя, Настя

систам лылыёпыл лылтэгыт. Хул алышланутыт-алгальтаминэгыт, лонхаль та натылтэгыт, рещинка хапыл ят хосыт яласэгыт. Автобус Вижайн ат яланты, туп нас мори яласан рушит арапаптахтэгыт, тыкати сартын таксофон тара матыр миннэ ёр кинсэгыт, ус мус тотавет. Ювле ос акв тох.

Евгений Михайлович Алексеев «ОВСЭРМ» кущай хумыг олнэ хум маньшитн нёты кос, такос савсыр нэпак хоталь-ати хансы. Нас потыр коны-пал элалы тэлаг ат мины.

Пума ос Талтъя павлыг ляпат яныг карьер вярвес, тот рупитан махум аргин ос цинк хилэгыт. Евгений Михайлович тан кущаянылн пицма хансыс, ань ты павлыгт олнэ маньшит тал акв щёс олныл ойтыглавет. Та олнытыл тал палытыл тэнут ёвтэгыт: колас, саккар, сыртэп, вёй, щай.

Мощ мёлалнуд ос агит-пыгыт маньши пормасыт вярсыт: тучагыт, аканит, юнтуп туштын угыт, телефон пиннэ хурыгсовыт. Вярум утаныл элалы Екатеринбург усн суссылтаңкв тотавет, Сапсан маньшит вос вавет, вос касалавет, маньшит иң олэгыт. Хонхан ты пормасыт мүстэгыт, эрың ёвтуңкв номылматэгыт, мотынтыг тыналан магыс вяруңкв патэгыт, ты хосытыл олн сэлэгыт. Тохта махум олэгыт.

Ямсык – маньшииг ат олнэ савсыр мори яласан махум, Лусум маньшитн тох лававет.

Анна АЛГАДЬЕВА

Пил ватнэ агит



Ты тув Тормув сэкв тув вэрыс. Пилыт молях ат понсэгыт. Рёгың тувытт Илья хотал порат лям ватаве, лямың солонт ман лямың пирак вара́ве. Ты тув тай акваг та ащирмаң, морахт ёмщакв понсуңкв ат вёрмёгыт. Лямыт ос ушпыл ётыл понсэгыт.

Ам пил ватнэ агит ёт кит хотал сыс кит щёс морах ватуңкв ялсум. Хосан хунь ялсув, павыл пох нярувт ёмыгтасув. Пиланув ёмщаквнуд ат кос понсамыт: то́ва морахт шар ёмщакв толувьямыт, то́ват мощ иң полямнуват кос олсыт, ма́н тай тох та ватасаскёнув. Экват лавёгыт, пуссын ёмщакв понснэ

уруңкв патэв, нэматыр ат арыгты. Тыхурипатың пилквет, сав хотпа халт аквты щёс ватасавет. Морах пилкве касың тув ат тэлы. Хонха ватуңкв алымы, тэлы кастыл сопаслы. Тэлы ащирм хоталытт морах самкве исум щайкве ёт маныр атың!

Анна АЛГАДЬЕВА



Хурит Лусум маньши агит—Вера Владимировна Анямова, Татьяна Прокопьевна Бахтиярова ос Анастасия Владимировна Анямова послым олэгыт.

МҮЙЛЫН ХОТАЛЫТ

Ас я ватат унлын павылкве

Шеркалы павыл Октябрьский районт ылы. Тав Ас я ватат унттувес. Тув тал палыт мүй махум ёхталэгыт ос ты нётнэ макве пумшалыяныл. Тот 1 сotyра 361 элумхолас ылы. Тан халанылт 341 сossaн хотпа ылы, тый 309 хантыт, 28 маньшит ос 9 ёрн хотпат.

Молты талт павыл кyцаиг тот Людмила Валерьевна Мироненко пёриявес. Ты элы-палт нэ 1994-1997 талытыт миркол кyцаиг ылыс. Шеркалыт школа-интернат, няврам yрнэ кол, клуб, музей ос лапкат олэгыт. Махум тот нёлоловхойплов савсыр предприятиятт рyпитэгыт. Тувыл мощца хотпат мот ман олункве минэгыт. Махум тот олнэ колыт yнттэгыт. Танки макёныл эруптыяныл, павланыл урыл нётнэ эргыт ёныцэгыт, ос ялпың хоталыт порат акваг эргияныл.

Тамара МЕРОВА



Луима сэрипос (Северная заря)

№17 (1083), 5.09.2014

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467)33-36-82

И.о. заместителя главного
редактора – **Узель В.В.**
Телефон (3467)33-22-72

Ответственный секретарь –
Ромбандеева С.М.
Телефон (3467)33-23-09

Адрес редакции и издателя:

628011, г.Ханты-Мансийск,
ул.Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
kms.admhmao.ru

Отпечатано:

ОАО «Издательский дом
«Новости Югры» г. Ханты-
Мансийск», ул. Мира, 46.

Подписано в печать:

по графику 3.09.2014 г.
в 15.00.; фактически
3.09.2014 г. в 15.00.
Индексы **04399, 54399**
Тираж **1750 экз.**
Заказ **1409**
Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.